

ТРАНСПОРТ КОРИДОРЛАРИ РИВОЖЛАНТИРИШНИ ИҚТИСОДИЙ БАҲОЛАШ

Мавлуда Лутфуллаевна Файзиходжаева
и.ф.н., доц. ТДТУ

АННОТАЦИЯ

Ушбу мақолада халқаро темир йўл коридорларини ривожлантиришнинг иқтисодиёт ривожланишидаги аҳамияти ёритилган бўлиб, темир йўл коридорлари орқали юқ ташувлари самарадорлигини аниқлашда мижозларнинг эхтиёжларини ҳисобга олган ҳолда, эгилувчан шароитга мослашган хизматлар ва фаолияти давомида харажатларни тежаш имконини берадиган механизмларни қўллаган ҳолда ёндошиш талаб этилиши таклиф этилган.

Калит сўзлар: темир йўл, транспорт коридорлари, иқтисодиёт, самара, тизим, экспорт, халқаро тиашувлар.

Халқаро транспорт коридорлари орқали ташувлар самарадорлигини ошириш Ўзбекистон иқтисодиётининг ривожланишида катта аҳамиятга эга. Замонавий шароитда халқаро иқтисодий алоқалар ривожланишининг асосий тенденцияси уларнинг глобаллашувидир. Ушбу ҳолат иқтисодиётнинг кўп соҳаларига таъсир кўрсатади, шу хисобда давлат иқтисодиётида стратегик муҳим ва юқори аҳамиятга эга бўлган транспорт тизимини яратади.

Маълумки, транспорт миллий иқтисодиётининг базовий тармоғи ҳисобланади, шу сабабли ривожланиш даражаси ва самарадорлиги барча саноат тармоқларининг ривожланишига ва ўзаро фаолиятига боғлиқ бўлади.

Республика иқтисодиётининг глобаллашуви ва ташқи алоқаларни ривожланишини амалга ошириш жараёни транспорт хизматлари сифатини яхшилашга, юқ ва йўловчилар оқимини ривожлантиришга янгича ёндошувни талаб этади. Республика изда маҳсулот экспорти хажмининг ошиши давлат иқтисодиётида барча транспорт хизматларини қайта кўриб чиқиши, уларнинг сифатини жаҳон стандартларига мослаштириш зарурлигини кўрсатади. Чунки, товар экспорти мамлакатнинг стратегик ривожланишида қандай муҳим бўлса, транспорт хизматлари экспортини кенгайтириш ҳам шундай зарур. Транспорт хизматлари экспортини ривожлантириш Ўзбекистон темир йўллари орқали ташиладиган юкларни жаҳон бозорларига олиб чиқиши улушини оширади; транспорт тизимининг транзит потенциали (имкониятлари)дан фойдаланиши янада яхшилайди ва б. Темир йўл транспорти мамлакат транспорт мажмуасининг асосини ташкил қиласди ва катта иқтисодий, сиёсий ҳамда хавфсизликни таъминлаш аҳамиятига эга бўлиб зиммасига юклар оқимининг катта қисмини узоқ масофага ташиб бериш вазифаси юклатилади ва ташувларга бўлган эхтиёжни чет эл мамлакатлари билан алоқаларда қондиради.

Фикримизча, вақт ўтиши билан ташувларни темир йўл орқали амалга ошириш узоқ ва ўрта масофаларга иқтисодий жиҳатдан энг самарали усул бўлиб қолади.

Юк ташувларини ўрта масофага бажаришда темир йўл транспорти автомобил ва денгиз транспорти билан рақобатлашади. Темир йўл транспорти катта ҳажмли юкларни узоқ масофага ташишда самаралироқ ҳисобланади.

Темир йўл транспорти самарадорлигининг ўсиши тармоқдаги асосий ишлаб чиқаришнинг янгиланиши, темир йўл ташувларига талабнинг ўсиши, тузилмавий ислоҳотларнинг бориши натижалари, Ўзбекистон ҳалқаро транспорт коридорлари участкаларидан самарали фойдаланиш билан белгиланади.

Хозирги шароитда ҳалқаро ташувларнинг юқори даражада ўсиши ҳалқаро алоқаларнинг иқтисодий фаолияти самарадорлигига транспорт омили таъсирини жадаллаштиради.

Айрим товарлар ташки савдоси қийматида транспорт хизматларининг улуши 40% дан зиёдроқни ташкил қиласди (1).

Шу сабабли мамлакат транспорт тизимидан оқилона фойдаланиш, ташувларнинг прогрессив, замонавий турларини тадбиқ этилиши транспорт харажатларини қисқариши ва ташки савдони ривожланишига ва самарадорлигининг ошишига олиб келади.

Фикримизча, ташки иқтисодий алоқаларда транспорт коридорлари орқали қўрсатиладиган хизматларнинг иқтисодий самарадорлиги, ташки алоқалар йўналишларини танлаш, транспорт тури, ташиб услуги, ҳалқаро алоқалар вариантларининг ривожланиши орқали аниқланади. Юқорида қайд этилган омиллардан ташкири иқтисодий самара аниқланишида ҳалқаро алоқаларни ривожлантириш вариантлари ҳам инобатга олиниши зарур.

Самарадорликни аниқлашда мижозларнинг эхтиёжларини ҳисобга олган ҳолда, эгилувчан шароитга мослашган хизматлар ва фаолияти давомида харажатларни тежаш имконини берадиган механизмларни қўллаган ҳолда ёндошиш талаб этилади. Ташибнинг у ёки бу варианти самарадорлигини аниқлаш асосий ташувчини танлашда муҳим тамойил ҳисобланади. Бунда фақат ташиб харажатларини таққослаш билан чегараланмасдан, транспорт хизматларининг сифати (тезкор, кафолатли, сақланган, "аниқ вақтда" етказиб беришни комплекс равишда бажариш, "эшикдан-эшикгача"), хавфсизлик даражаси ва транспортнинг экологик жиҳатдан талабга жавоб беришини ҳам ҳисобга олиш зарур ва б.

Замонавий шароитда ҳалқаро юк ва йўловчиларни ташиб ва транспорт хизматлари бозорини нормал ҳолатда фаолият юритиши, транспорт ишлаб чиқариш моддий-техник базасини мустахкамлаш, инвестицион фаолиятни жадаллаштириш, самарали инновацион сиёсатни олиб бориши, қонунчилик-хуқуқий ва норматив базани мустахкамлаш орқали амалга оширилади. Юқорида таклиф этилган тадбирлар тизими барча давлат органлари, худуд раҳбарлари, транспорт тармоғи раҳбарлари ва ҳаракат таркиби әгаларининг ўзаро мувозанатли ҳатти-ҳаракатлари асосида амалга ошади. Шу билан бирга, қўл остидаги ресурслардан оқилона фойдаланишини йўлга қўйиш ҳамда ишлаб чиқариш ва интеллектуал потенциалдан ва транспорт инфратузилмасидан самарали фойдаланиш муҳим ўрин тутади. Ҳалқаро алоқалар орқали юк ташувларининг иқтисодий самарадорлигини ҳисоблаш учун олинган натижалар ташувларнинг барча жараёнларидаги харажатлари билан солиштирилади ва қуйидагича ифодаланади:

Э=Тсоф/Сқ * Вқ ,

(1)

Бу ерда Тсоф - товар экспортидан тушган соф тушум;
 Сқ - ишлаб чиқаришга, транспортировкалашга, солиқ түловлари, шартномалар вақтида бажарилмаганлигига түловларни қоплашга кетган харажатлар йифинди;

Вқ- валюта тушумларининг қадирсизланиши.

Ташишдан олинган соф тушум қуйидаги кўрсаткич орқали аниқланиши мумкин:

$$T_c = \Pi * Q_x * (Z_p + Z_c + Z_t) * Q_x , \quad (2)$$

бу ерда Щб.-товар бирлигининг нархи;
 Qx -шартнома бўйича товар хажми ,товар бирлигига ;
 Зп - ишлаб чиқариш харажатлари, пул бирлигига ;
 Зс - солиқ түловлари;
 Зт - транспортировкалаш харажатлари.

Барча харажатлар йифинди қўйидагича аниқланади:

$$Z_e = Z_p + Z_n + Z_t + Y + \Delta Z_m;$$

Змж- меъёрдан ташқари заҳира, қўшимча
 воситаларни ижара харажатлари;

Битим ва шартномаларни вақтида бажарилмаслиги туфайли вужудга келган чиқим хажми қўйидагича аниқланиши мумкин:

$$Y = K * \Pi * Q * t_x$$

бу ерда К - қисқа муддатли банк кредитларини тўлаш(10%) коэффициенти ;
 tx- юкларни етказиб бериш даври ;

Демак, янги Ўзбекистон иқтисодиётини ривожлантиришда темир йўл юк ташиш транспорти катта ўрин тутади. Бу бир қатор омиллар билан белгиланиши мумкин:

- биринчидан, Ўзбекистон Ўрта Осиёнинг марказий қисмида жойлашган бўлиб, худудий давлатлар билан умумий чегарага эга: шимол ва шимоли-ғарбда Қозоғистон билан, жануби-ғарбда Туркманистон билан, жанубда Афғонистон билан, жануби-шарқда Тожикистон билан ва шарқда Кирғизстон билан чегарадош;
- иккинчидан, Ўзбекистоннинг Марказий Осиё худудида марказий ўринга эгалиги унинг худудий жараёнларда муҳим ўрин тутишини белгилаб беради;
- учинчидан, Ўзбекистон географик жойлашуви ва транспорт коммуникацияларини ривожланган тизимига эгалиги билан ҳам аҳамиятга эга;
- тўртинчидан, халқаро транспорт коридорларини ривожлантириш ва барқарор стратегияни шакллантириш Ўзбекистоннинг иқтисодий хавфсизлигини таъминлайди. Бугунги кунда Ўзбекистон Республикаси транзит салоҳиятини кенгайтириш ва келажакда ривожлантириш учун барча шароитлар яратилмоқда.